

FAAMATALAGA FAAMAONIA

Learning Support Coordinators a Aoga

Faamatalaga mo Mātua,
Tagata Tausi ma Aiga

E mau le fesoasoani mai Learning Support Coordinators (LSCs) ia mautinoa o fetui ma sa’o le fesoasoani o maua e tamaiti aoga ma faafaigofie na malamalama aiga ma maua i le aoga le fesoasoani tau aoga.

E iai le faamoemoe e aulia atu le 2028, o tamaiti aoga uma mai le Tausaga 1 i le 8 i totonu o aoga uma a le malo faapea aoga tumaoti faalemalo e maua ai se LSC. O le aoga o le tofu o aoga uma ma se LSC mo le Tausaga 1 i le 8 e faalatalata ai le fesoasoani i tamaiti aoga sili ona moomia lea fesoasoani.



E galulue faatasi le LSC ma fanau ma le aiga

O le sui LSC o se tasi o le afaigaluega a le aoga na te vave faailoa tulaga tau aoaoga o moomia e lau tamaitiiti, faamaopopo le fesoasoani ma fesoatai mātua ma tagata tausī i tomā faapitoa.

E faifai mea faatasi ma faiaoga, aiga, ma auunaga, e aofia ai sui o le Matagaluega, e faamautinoa o maua e tamaiti le fesoasoani o moomia.

E fesoasoani le sui LSC fou e faafaigofie na maua e tamaiti aoga o le fesoasoani sili ona lelei, ma e laugatasia uma ai tamaiti faapenei i le atunuu atoa.

Auala e maua atu ai le fesoasoani

E lē tutusa le vave iloa e tamaiti o mea o aoaoina, ma e iai vaitaimi e faatupu ai le popole i mātua ma tagata tausī i tulaga o vaia i le fanau. Talanoa i le faiaoga po o le puleaoga a lau tamaitiiti, mo tulaga o e popole i ai.

E maua atu ai se taatiaga lelei o tulaga o e popole ai ma ituaiga fesoasoani e ono moomia, e aofia ai le fesoasoani a le sui LSC a le aoga.

Mo nisi faamatalaga

- › Learning Support Coordinators i totonu o aoga, [education.govt.nz/lsc](https://www.education.govt.nz/lsc)
- › Fesoasoani tau aoaoga pe a sui le aoga a lau tamaitiiti, [education.govt.nz/parents-and-caregivers/early-learning/learning-support/continuing-learning-support-when-your-child-moves-school](https://www.education.govt.nz/parents-and-caregivers/early-learning/learning-support/continuing-learning-support-when-your-child-moves-school).
- › A e popole i tulaga tau aoaoga mo lau tamaitiiti, [education.govt.nz/parents-and-caregivers/early-learning/learning-support/if-you-are-worried-about-your-childs-learning](https://www.education.govt.nz/parents-and-caregivers/early-learning/learning-support/if-you-are-worried-about-your-childs-learning).
- › Tala o le Tupe 2025 faafaigaluegaina mo Fesoasoani Tau Aoaoga, [education.govt.nz/our-work/publications/corporate-documents/budget-2025/learning-support](https://www.education.govt.nz/our-work/publications/corporate-documents/budget-2025/learning-support).



Fesili ma Tali

E faapefea na fesoasoani se Learning Support Coordinator (LSC) i la’u tamaitiiti?

E aoga le LSC e faafaigofie atili ai na vave tali atu le aoga i tulaga tau aoaoga o moomia. E fesoasoani i faiaoga e tapena lagolagosua o moomia, faifai mea faatasi ma tomai tau gagana po o tomai suesue uiga faaalii, ma faamautinoa ua malamalama lelei vaega uma i manaoga o moomia mo lau tamaitiiti ma faia tulaga e tali atu ai.

E galulue sa’o le LSC ma la’u tamaitiiti i totonu o le potuaoga?

E ono maua avanoa e galulue sa’o ai le LSC ma lau tamaitiiti i totonu o le potuaoga faatasi ai ma le faiaoga, ma vaavaai sa’o, malamalama ma faailoa fesoasoani tau aoaoga o moomia e le tamaitiiti aoga.

E mafai e le LSC na faamaonia aloaia tulaga tonu tau aoaoga o moomia e la’u tamaitiiti?

E fesoasoani le LSC e faailoa atugaluga ma oulua faifai mea faatasi, faapena foi ma le faiaoga a lau tamaitiiti ma isi tomai faapitoa e faamautinoa o fetau ma sa’o le fesoasoani o maua e lau tamaitiiti i le taimi tonu o moomia ai. Na te lē faia se tulaga e faamaonia aloaia ai se faaletonu i taumafaiga a lau tamaitiiti. E iai tulaga e ono talosaga ai e le LSC le fesoasoani a isi tomai faapitoa, e pei o tomai suesue tau aoaoga po o tomai tau gagana ae e lē mafai ona ia faia lea tulaga e aunoa ma lou malie i ai.

E mafai na ou talosagaina se fesoasoani tau aoaoga mo la’u tamaitiiti?

loe, e mafai e mātua ma tagata tausī na talosaga se fesoasoani po o le faailoa sa’o tulaga o popole ai i le faiaoga, puleaoga po o le sui LSC a le aoga. E lē moomia se faamaoniga aloaia.

A e moomia se faamalamalamaaga e iloa tonu ai le ituaiga fesoasoani o mafai na maua mo lau tamaitiiti, e mafai foi na faafesootai le sui o le Matagaluega o Aoga mo le tou itumalo. E maua i le tafailagi faamatalaga e faafesootai ai ofisa itumalo a le Matagaluega i le [education.govt.nz/our-work/about-us/contact-us/regional-offices](https://www.education.govt.nz/our-work/about-us/contact-us/regional-offices).

O le a se suiga lelei mo la’u tamaitiiti mai le faafaigaluegaina ai o se LSC i le aoga?

E aoga le vave fai o se faatatau i tulaga moomia tau aoaoga mo tamaiti aoga e lē gata i le toaga ai e aoga ma ausia tulaga lelei, e tuuitiitia ai le telē o le va o tamaiti aoga maua taumafaiga ma ē vaivai, faapena foi taunuuga o le olaga.

E taulai le sui LSC a le aoga i faiga e faatuputeleina ai le iloa o faiaoga ma tomai faapitoa e tusa ai ma tulaga moomia tau aoaoga mai le vaitaimi foufou o le olaga faatamaitiiti.